

# Wisconsin Shares MyWICare

## Niam Txiv Daim Ntawv Tshaj Tawm

Ua kom txoj kev uas koj tsev neeg them nqi zov me nyuam zoo dua qub

Phau 1 Tsab 1

Wisconsin Shares / MyWICare Parent Bulletin July 2017 Lub 7 Hlis (7) 2017



### Npaj Tam Sim No rau Zov Me Nyuam Thaum rov-mus Kawm Ntawv



Tam sim no yog lub sij hawm xav txog kev zov me nyuam thaum rov-mus kawm ntawv cov kev xav tau, **ua ntej** lub caij ntuj sov los xaus. Nug tus kws zov me nyuam uas koj xav kom nws zov koj tus me nyuam kom paub tseeb tias nws muaj chaw txaus rau koj tus me nyuam thaum txog lub caij nplooj ntoos zeeg no. Thaum koj paub txog koj cov kev xav tau lawm, hu rau koj tus neeg khiav hauj lwm zov me nyuam kom paub tseeb tias koj cov nyiaj pab them nqi zov me nyuam npaj txhij los mus pib rau thaum lub 8 Hlis (August) los yog 9 Hlis (September). Cov niam cov txiv uas ua qhov no thaum ntovyuav tau txais kev pab sai dua los ntawm ib tus neeg ua hauj lwm los yog hauv lub xov tooj. Siv qhov Parent Portal los mus txheeb xyuas koj daim ntawv tso cai ua ntej hu rau qhov chaw khiav hauj lwm rau koj.

The screenshot shows the MyWICare login interface. It includes fields for "User ID" and "Password", and checkboxes for "Show Password", "Remember Me", and "Enable Screen Reader Features". There is also a "Login" button and a "Help" link for users who do not have a user ID.

**Help:** If you do not have a user ID, create an ACCESS account

For login problems, click here to reset your ACCESS password or contact ACCESS Member Services at 1-800-362-3002

Saib MyWICare Parent Portal  
thaum mus ncig lwm qhov

### Siv Qhov MyWICare Parent Portal Tshiab



Qhov Parent Portal tshiab yeej qheb 24 xuaj moos hauv ib hnub, 7 hnub hauv ib lub lis piام, thiab siv tau thaum koj mus ncig rau lwm qhov. Koj yuav nkag tau mus rau hauv qhov Parent Portal uas yog siv koj tus Access ID thiab lo lus zais password. Siv qhov Parent Portal los mus:

- Saib koj cov ntawv tso cai zov me nyuam
- Xyuas koj cov nyiaj pab uas tshuav nyob hauv koj daim npav MyWICare EBT card
- Txuas mus rau Fidelity Information Services (FIS) thiab them nyiaj siv sij hawm li ob peb feeb (seconds) xwb
- Nyeem koj cov ntawv ceeb toom (ntawv tso cai, cov nyiaj pab them nqi zov me nyuam seb tau npaum cas thiab kev siv cov nyiaj pab)

Thaum lub 10 Hlis (October 2017), qhov portal yuav muaj lwm yam tshiab uas yuav txuag tau koj lub sij hawm. Koj yuav muaj cuab kav:

- Xa ntawv mus rau koj tus neeg khiav hauj lwm zov me nyuam mus thov cov ntawv tso cai tshiab
- Xa ntawv mus thov pauv koj tus kws zov me nyuam los yog cov xuaj moos zov me nyuam
- Xaus ntawm ib daim ntawv tso cai

Mus siv tau qhov Parent Portal ntawm:

<https://mywicareparents.wisconsin.gov>

### Yuav Pauv Tus Kws Zov Me Nyuam?



Cov npav MyWICare EBT cards tsuas them rau ib tus kws zov me nyuam ib lub sij hawm xwb. Yog koj yuav pauv tus kws zov me nyuam, koj yuav tsum hais rau koj qhov chaw khiav hauj lwm zov me nyuam raws li nram qab no:

- **Muab sij hawm ntev me ntsis ua ntej yuav pauv**, xvw lawv thiaj pab tau koj npaj cov kev pauv twg uas yuav muaj hais txog koj cov nyiaj pab them nqi zov me nyuam.
- **Ua ntej hnub ua hauj lwm hnub kawg ntawm lub hlis tam sim no ua ntej koj hloov cov kws zov me nyuam.**
- **Tam sid**, yog koj tso tseg tsis mus rau koj tus kws zov me nyuam tam sim no los yog cia li pauv cov kws zov me nyuam tshwm sim.